

SECTION

6

AWOZONLE ALUMA NEE AZEZIEL&

MAANDEE NNEYEBAA NNEYEBAA NEE MAANLE EBULE (MCC GYI MAAMELA ZO LA)

Maandee Nneyeba Nneyeba

MUKENYE

Ngyenú ehye buke awozonle aluma ezukoalédee mō wō Gana anee anee ekpunli ne mō anu la anye. Ye ngyinlazo ne baye awozonle aluma mō bē bo vi wō maandee ne anu la. Obaboa wō amaa wōanwu deemoti yenyia aluma zōhane mō la nee nvasoe mō wō zōhane aluma ne mō azo la. Ezukoalédee ehye baboa amaa wōanyia ndelebēbo mō wō dumadonlē nwo la, ehlolē nee ebule wōamaa Gana maandee ne nee ye tete agyadee. Ngyenú ne eza da fuamunli azezielē maandee ne ali. Adwenlenwowō ne bagyinla bē azezielē maandee ndenle ne mōlebēbo, ye avinli nee ye awielee ne mō azo wō wō maandee ne anu nee Gana anee gyene bie mō maandee ne mō anwo. Eza noko ebazukoa nvaosē mō fuamunlibōvoma ne, bē mbusua ne nee anee ekpunli ne mō bēvi nu la banyia wō fuamunli azezielē maandee ne anwo la. Ḍwō ke ekola ekilehile koyelē nee eweene mō deda Gana anee ekpunli ngakyile ne mō azezielē maandee ne anu la.

Ngyenú ehye kahō awielee la, ebahola:

- Wōahile awozonle aluma bie mō, eleka mō bē bo vi yee deemoti yenyia bē la
- Wōawowō adwenle wō adenle mō bedua zo besie kakula belera aze la (Azezielē: mōlebēbo, avinli nee adwulalee)
- Wōava azezielē nwo maandee ngakyile mō wō Gana la wōatoto nwo.

Adwenle titili

- Awozonle aluma abo vi awozonle kpōkyee bie eke
- Bē nee sunsum mō lē tumi la a lē ngitanwo a

- Bekile menli mɔɔ aluma ne gua bε nwo zo la anzi adenle
- Fuamunli le sonla εnyinlenu eleka mɔɔ kile kε awie bahola awo a.
- Azubøle maandee kile kε bεlødie awie bεado nu wɔ gyinlabelε bie anu.
- Bεye fuamunli εbøle maandee bemaan ngakula mbølera noko akee anee ekpunli ne bie yε maa ngakula mrenyia.

AWOZONLE ALUMA

Yεlε aluma bie deda yε nwo zo ɔluakε yε nee sunsum bie mɔ mɔɔ bε tumi bo yε nwo zo la le ngitanwo. Aluma εhye mɔ a yεfεlε bε awozonle aluma a. Kolaa na wɔagenga wɔava awozonle aluma nwo la ɔwɔ kε εnwu awozonle deehole.

Duzu a le awozonle?

Awozonle kola yε mraale anzee mrenyia. Bεle sunsum mɔɔ Nyamenle bøle bε la anu ko mɔɔ bε tumi ne bo sonla nee sunsum bie mɔ anwo zo a. Menli mɔɔ le diedi kε awozonle le tumi mɔɔ bo sonla nwo zo na bekola bekile dasanli nyεleeε bie mɔ mɔɔ ɔwɔ kε bεye la sonle bε. Mekε dɔɔnwo ne ala bε nee sunsum εzonlenlε nee bε nyεleeε bie mɔ le ngitanwo. Awozonle bie mɔ mɔɔ vi εzonlenlε ngakyile bie mɔ anu la a le Zεyøse, Apolo, Atena Høla, Feleya, Nøose, Løki, Ødini nee mɔɔ εha la. Bεfa enilile bemaan bε na besonle bε kε mɔɔ ɔføta la. Wɔ Gana, menli ekpunli anzee anee ko biala noko le bε awozonle mɔɔ bεdie bε bεdi na besonle bε a. Awozonle bie mɔ mɔɔ εlie duma wɔ Gana la a le

- Ga: Dantu, Nae, Klote, La Kpa, nee mɔɔ bokεboka nwo la
- Akan: Kune, Tegare, Nyamaa, Antoa, nee mɔɔ bokεboka nwo la
- Dagomba: Tambo, nee mɔɔ bokεboka nwo la

Awozonle dɔɔnwo wɔ Nzema. Bie mɔ εne:

1. Kumakpole, Tanoε: bεwɔ Benyinli
2. Amenlenra, Tanoε Aya, Bulakpole: bεwɔ Adoabo
3. Asuanua, Ezazo, Anweafutu: bεwɔ Bameango
4. Siane(Ankobra), Ewɔnwenle: bεwɔ Sanwoma

Awozonle boni mɔ a εlie duma wɔ wɔ suazo a?

Awozonle aluma

Befaa wo awozonle aluma bēto menli ɔlua bē diedi nee bē ezonlenlē ne adiabo ngyinlazo ti. Awozonle aluma noko le aluma kpōkyee mōō mbusua, azua azua, ezonlenlē nee maandee ɔlua ngitanwo mōō bē nee awozonle ne mō le la.

Awozonle aluma bie mō

Gana awozonle aluma bie mō a le:

1. Wō Anwōnla ne mō anu, Anlo ne mō mōō wō Anwōnla maanzinli nu la sonle bozonle bie mōō bēfēlē ye ‘Afa’ la, ɔle bozonle mōō vi anwuma yee ye belamunli ralē nrenyia ‘Bokō’ duma a le ‘Amuzu’
2. Wō Akanema ne mō anu, bēdie bēdi kē kenle mōō wō dapēne ne anu la ko biala le nwole bozonle. Ehye ati kenle ne mōō bekewo wō wō dapēne ne anu la le bozonle duma mōō bēfa bēto wō a. Ndonwo, ‘Adwo’ le bozonle duma mōō kile Kenlenzile, yemōti saa bēwo kakula raale Kenlenzile a bēfēlē ye ‘Adwoa yee saa ɔle nrenyia a bēfēlē ye ‘Kwadwo’ la.
3. Saa eba Nzema a bēdua moale mōō bekēnyia bekēvi awozonle ne mō bie mō eke ne la azo a bēnyia awozonle aluma a. Ehye kile kē bēdie bēdi kē awozonle ne mō a yele bē moale a. Ndonwo, saa awie hyia ralē na ɔlua bozonle bie ati ɔwo a bēfa bozonle zōhane duma ne bēto kakula ne. Aluma ehye mō bie a le Siane, Amanzule nee mōō eha la. Siane nee Amanzule le azule aluma.

Bo mōdenle kē ebabobo awozonle aluma mōō wō anwuma eke la. Maa wō kilehilevole ne enlea saa ye ebobolē ne le fōōnwo a. Eze awozonle aluma mōō wō wō suazo la bie mō o ?

Nleka mōō awozonle aluma ne mō abo vi la

Eleka mōō yēnyia awozonle aluma ne mō yēfi la le ngakyile wō ezonlenlē ngakyile ko biala anu yee ye titili ne gyi menli ne mōō to zōhane aluma ne la diedi nee bē maandee ngakyile mōō bēlē la azo. Ndonwo, Anwōnla ne mō awozonle aluma ne mō abo vi Yeve (Eselemany Nyamenle), Akanema nyia bē awozonle aluma ne fi azudenle nu, Dangmema nyia bē deē ne fi (Nyamenle) mōō maa anyelielē la eke yee Nzemama noko nyia bē awozonle aluma fi eleka kpōkyee mōō bozonle bie de la. Okola ɔye azudenle, bozane anzēe bōnza nu.

Eze eleka mōō wō duma ne abo vi la o?

Deemoti yεto awozonle aluma la

Deemoti bεto awozonle duma la gyi ngilenu dɔɔnwo azo. Bεto awozonle aluma bεfa bεda gyima mɔɔ bozonle bie di la ali, yenyia aluma εhye mɔɔ ɔluakε yεlε diedi kε bεvi anwuma na be nwo te. Bie mɔɔ noko kola yε anwosebε εwulale mɔɔ yenyia ye yεfi awozonle ne mɔɔ eke la. Yεlε mɔɔ bεdabε noko bεda anee ekpunli bie maandε ali anzεe mɔɔ kile bozonle ne subane nee ye nyεlε la.

Bieko noko a le kε, saa agyalema bie mɔɔ εnyia ralε a bεkɔɔ nwolε abisa, bεbɔɔ εwɔkε na bεdie moale bεfi awozonle ne mɔɔ eke. εwɔkε εbɔlε ne anzi saa bεwo a bεlε diedi kε awozonle ne mɔɔ a yεle bεda ne maanle bε a ɔti bεfa bozonle ne duma bεto bεda ne.

Nvasoe mɔɔ wɔ awozonle aluma εdonlε zo la

Awozonle aluma le nvasoe dɔɔnwo wɔ menli mɔɔ sonle bε la εbelabolε nu.

Nvasoe bie mɔɔ mɔɔ menli mɔɔ le awozonle aluma nyia bε la a wɔ aze eke la:

1. Bεye menli nzonlε. Awozonle aluma boa maa yεnwu bozonle hole mɔɔ awie sonle ye la yεε eleka mɔɔ ahenle vi la.
2. Okile ngitanwolile mɔɔ la ahenle nee bozonle ne avinli la.
3. Bεto awozonle aluma bεfi awolε ndooodoazo nu bεfa bεbɔɔ yε maandε nee yε εzonlenlε nu tete agyadee nwo bane.
4. Okile diedi mɔɔ awovolε ne mɔɔ le la.
5. Wɔ diedi bie mɔɔ anu saa bozonle duma la ε nwo zo a, bεdie bεdi kε ɔmaa wɔ tumi, anwobanebɔlε anzεe sunsum nu anwosesebε.

Gyima 6.1

1. Fa ε ti anwo edwεkεmgbɔkε kilehile edwεkεkpɔkε bozonle anu?
2. ε nee ε gɔnwo εhεlε Nzema aluma bulu na bεhile awozonle aluma mɔɔ wɔ nu la.
3. Fa awozonle aluma ne mɔɔ εhilele wɔ wɔ anee ne anu la toto aluma mɔɔ sukoavoma mɔɔ vi wɔ anee ekpunli ne anu na ε nee bε gyi bango ko le la anwo
4. Wɔ sele duma ne anzεe wɔ nrrelenza duma ne le bozonle duma o? Kile eleka mɔɔ wɔ duma ne abo vi la. Saa εnlε bie a, fa awozonle aluma ne mɔɔ mɔɔ behilele bε wɔ anwuma edwεkεmiza ne anu la bie na kile eleka mɔɔ yεnyianle bε la.

Gyima 6.2

Fa awozonle alumा 5, eleka mօɔ bε bo vi, nee deemoti yenyianle bε la wulowula adokule ne mօɔ deda ekponle ne anu la anu maa ɔli munli.

	Aneɛ ekpunli	Bozonle duma	Eleka mօɔ c bo vi	Deemoti bεto la
1				
2				
3				
4				
5				

Gyima 6.3

1. Kile deemoti wօ suazo amra nee bozonle yε ngyekyeles la anu ko.
2. Kile nvasoe nsa mօɔ menli mօɔ le awozonle alumа la nyia ye fi alumа ne azo la.

FUAMUNLI AZEZIELE

Ngyenu ne eleka εhye ka azubole maandee ne mօɔ kile ke mbeda εdwu bε mgbanyileka la anwo edweke. Onea nyεles ngakyile ne mօ mօɔ kօ zo wօ mօlebεbo, avinli nee awielees ne wօ Gana maandee ngakyile ne mօ kօsɔɔti anu

Ndwenlenwo kpuyia

εbahola wօahile εnyelezo nzenzalees nsa mօɔ εnwunle ye wօ wօ sonlabaka ne anu wօ meke mօɔ εnyianle εvole 10 kօkpula 14 la ɔ?

Duzu a le fuamunli?

εhye le meke mօɔ kile ke kakula nrenyia anzee raale bie εbikye ye mgbanyifoa na ɔkola ɔwo la. Yεta yεnwu nzenzalees εhye wօ meke mօɔ ngakula mraale ne mօ εdwu εvole 10-14 yεε ngakula mrenyia ne mօ noko kεnyia εvole 12-16 la. Emomu, ngakyile kola ba nu; bie mօ εdee si ndε yεε bie noko kola ka amozi.

Ninyene mō da ali kē kakula raale ebo fuamunli la

Nzenzalee bie mō yenwu ye wō ngakula mraale mō ebo fuamunli nu la a le ehye mō:

- Be nze nu tēlē.
- Be ezolē yē mgbole mgbole
- Be butua kuohua kēlēma
- Beyē fualē mō li moa
- Bebo nyefonlē
- Befi sake yē be nvunloma nu enrini

Ninyene mō da ali kē kakula nrenyia ebo fuamunli la

- Nzenzalee bie mō mō yenwu ye wō ngakula mrenyia mō kēbō fuamunli nu la a le ehye mō:
- Be mrenyia nu nee be ndōma yē mgbole
- Befi sake yē be nvunloma nu enrini
- Be kēnra tēlē yē be awane yē mgbole
- Be ne nu buke
- Befi ekēsale
- Be nu twe

Sekelenee ehye mō mō da ali wō kakula raale anzēe nrenyia bie mō ebikye ye mgbanyileka la a yefelē ye **fuamunli** a.

Fuamunli Azezielē Maandee

Ole maandee mō beyē ye wō kakula raale mō eyē sua na okēmoa zo la anwo befa bekile kē yedwu mgbanyileka. Aneē ekpunli bie mō yē maandee ehye maa mrenyia noko. Ehye le sonla enyinlē nu maandee mō tō zo nwī a. Odoa duma edonlē ne.

Ekponle 6.1 ne mō wō aze eke la kile aluma ngakyile mō Gana aneē ekpunli ngakyile ne mō bie mō fa fele fuamunli azezielē maandee ne la.

Aneē Ekpunli	Mraale azezielē ne duma	Mrenyia azezielē ne duma
Anwɔnlama	Gbɔtowɔwɔ/Tugbewɔwɔ	Tudedeasi
Koləboma	Dipo	-
Nvandema	Bragor	-

Aneɛ Ekpunli	Mraaleɛ azezielɛ ne duma	Mrenyia azezielɛ ne duma
Nzandelɛma	Bragoro	-
Akpafuma	Iseyi	-
Ngɛnlama	Otofo/ Otseñtse	Plamatsemɔ/ Butrumwɔɔ/Denjtuwoo
Sisalama	-	Baala
Vagalama		Pellaa
Nzemama	Fuamunli Azezielɛ	-

Kε befelɛ fuamunli maandee ne wɔ wɔ aneɛ ne anu ε? Mraaleɛ nee mrenyia fa fuamunli azezielɛ maandee ne anu ɔ?

Duzu a le azubɔlɛ maandee ?

Azubɔlɛ maandee a le nyɛlee anzɛe sɛkelenee mɔɔ beye bekile kε sonla εlefɛ εbelabɔlɛ anzɛe tɛnlabele anzɛe gyinlabelɛ ko anu ahɔ fofole nu la, mɔɔ eza yefelɛ ye sonla εnyile nu maandee la. Bɛkola bɛbɔ awie azu bɛwula sunsum nu gyima bie anu, fealeranu eku anzɛe εzonlenɛ bie anu. Emomu, azubɔlɛ mɔɔ yɛlɛwowɔ nwolɛ adwenle wɔ εke la kile mɔɔ maa yɛnwu kε mbɛda εdwu bε mgbanyileka mɔɔ yefelɛ ye fuamunli azezielɛ la.

Azezielɛ maandee ne

Aneɛ ekpunli ko biala lε nyɛlee ngakyile mɔɔ beye ye wɔ azezielɛ maandee ne anu a ɔlua maandee ne mɔ mɔɔ le ngakyile la ati. Nyɛlee mɔɔ beye ye kolaa na azezielɛ mekɛ ne adwu, azezielɛ mekɛ ne anu nee azezielɛ ne anzi la a bɛwɔwɔ nwolɛ adwenle wɔ aze εke la.

Fuamunli Azezielɛ Maandee Ne Ndotonwoyɛlɛ: Koyɛlɛ Bie Mɔ

Ngakula mbɛlɛra azezielɛ maandee ne

1. Kolaa na bɛazie kakula bɛlɛra ne aze la

Saa awovolɛ ne mɔ nwu kε nenzaleɛ bie εra bε mra mraaleɛ mɔɔ asɛɛ εbɔ fuamunli la anwo a, bɛbɔ ɔ bo kε bɛsiezie bε nwo.

Mekē dōonwo ne ala saa kakula raale ne ye ye fua mō li moa mō yefelē ye fuale amunli la a, bēye nyelē ehyē mō wō bē now a:

- a. Bēdi moa bēye mbēda ne mō bēfi bē abusua ne anwo na bekōsiezie bē bēkende gyimalilē ne.
- b. Ngakula mraale ne mō awovole bō mgbanyima anzēe menli mō di azezielē ne anwo gyima la amanee.
- c. Mraale mgbanyima mō ze agyale nwo maamule la wula mbēda ne mō sua nu na bēfa agyale nwo folēdulē mō le fōonwo la bēmaa bē amaa kenlebie bēahola bēaziezie bē suanu ke nwuvole mraale.
- d. Bēfa ngakula mraale ne mō bēfa suanu ndetelē le ke aleedonlē, ewula ekpoanlē, ninyene ekpole, bē nwo enililē nee mō eha la anu.
- e. Bēkile bē bē-sa-anloa gyima bie mō.
- f. Bēkile bē tete edwēne nee nwolē agolezilē bie mō mō wō maandē ne anu la.
- g. Bēkilehile bē nla nu nyelē bie mō amaa bēahola bē nee bē hu mō mō bagya bē wō maandē ehyē anzi la ali agitanwo wō ekpa zo kpale.

2. Azezielē mumua ne

Saa azezielē mumua ne dwu a gyimadivo ne (ɔkola ɔye kōmenle anzēe raale kpānyinli) fa fuamunlibōvoma ne fa ehyē mō anu.


Osiezie o nwo na ɔye edēne ɔfa gyimalilē ne ɔfea Nyamenle nee sunsum ngakyile bie mō asa. Edēneyelē ne anzi bēfa bē bēwula sunsum nu nyelē ehyē mō anu:

- a. Bēfa bē bēfa sunsum nu sōnea nu bēne a saa bēle bēlamunli a(raale mō enze nrenyia la). Bie mō tenla bozane bile zo, bie mō bia azule nu, nyevile nu anzēe kpōke nu kile nyelē ehyē.
- b. Bēkpa/bēpepe bē ti enrīnli, bē nvunloma nu nee bē sake
- c. Bētenla bē wō sēsēbia anzēe nwoma zo.
- d. Bete bē nloa (bēfa aleē le ke kolonvia bēdo, bana anzēe elue afōtō nee mō eha la)

Bēye sunsum nu anwodelē nyelē ne bēwie bōkōo a,

- e. Bēfa bē maandē ne anu ndanlē mō sonle bolē, avikpa ngakyile nee bē nwo eziezielē ninyene ngakyile bēsiezie mbēda ne mō na bēbō gua bēfinde bē.

- f. Wə guabələ ne anu, bəsiezie fuamunlibəvo ne mə bəmaa bə nyəfo gua zo bəfa bəkile mgbavole məə ədwu agyale əhələ la amaa beaye ngakula mbəlera ne anu məə kenlebie bəbagya bə la.



Nvoninli 6.1: Nvoninli εhye kile ngakula mraale məə bəluə Dipo sunsum nu anwodele maandee adenle zo bəzie bə aze la.

Nvoninli εhye kile ngakula mraale məə bəzie bə aze bəwie la.



Nvoninli 6.2: εhye kile ngakula mbəlera məə bəva avikpa ngakyile bəziezie bə wə meke məə bəzie bə aze bəwie la.

Azezielə maandee ne anzi

- Saa bəsie bə aze bəwie a, mbəlera ne mə, bə mbusua nee bə gənwo mə kə akpəsa wə sua ne azo na bəkɔye ezuavole ne mo.
- Ezuavole ne bə bə abazo kə behola bəzə bə nwo bəva azezielə maandee ne anu na bəkye bə ninyene. Ahyelədees ne mə bie kola ye ezukoa, avikpa, ndanle, nluku, nee məə əha la



Nvoninli 6.3 Ehye kile ngakula mbelera mɔɔ bɛva aboka ngakyile beziezie bɛ wɔ meke mɔɔ bezie bɛ aze bɛwie la.

Fuamunli azezielɛ maandee ne ndotonwoyɛlɛ

Enweene bie mɔ mɔɔ deda Gana azezielɛ maandee ngakyile ne mɔ avinli la.

Saa εye koyelɛ mɔɔ wɔ azezielɛ maandee ngakyile ne mɔ anu la a, aneɛ ekpunli ko biala le nyelɛe kpɔkyee bie mɔɔ le ngakyile fi aneɛ ekpunli ngakyile bie εdeɛ nwo a. Bie mɔ a bela bɛ ali wɔ eke la.

Anwɔnlama

1. Bɛkola bɛfa dapɛne ko mɔɔ kɔdwu siane ko la bɛye azezielɛ maandee ne. Ehye gyi Anwɔnlama ekpunli hole nee bodane mɔɔ gyi bɛ nye zo la azo.
2. Bɛfa fuamunlibɔvoma ne bɛsie aako ne anzi na bɛmaa bɛ gɔnwo mɔ nee bɛ tenla na bɛdielie bɛ nye wɔ zɔhane meke ne.
3. Wɔ azezielɛ meke ne anu, kolonvia ne mɔɔ bɛme la le sekəlɛnɛe mɔɔ kile εdanεbɔlɛ a.

Kolɔboma

1. Kolɔboma ye azezielɛ maandee maa ngakula mbelera ne mɔ wɔ meke mɔɔ bɛkɛbɔ Azelɛ Bozonle (Nene Kloweki) amanɛɛ ne la. Bɛye ye wɔ Siane Munrane ne anu yee ɔdi kenle nnu.
2. Kolaa na beaye azezielɛ maandee ne la mbelera ne mɔ awovolɛ fa bɛ komaa kɔmenle ne mɔɔ di Dipo ne anwo gyima la.

3. Wɔ azezielə maandee ne anu, kōmenle ne ye edene na ɔyε sunsum nu maandee bie mɔɔ le kε bε ti anwo ekpale, nwoma zo edenlanlε nee mɔɔ eha la maa mbeda ne mo

Akanema (Nvande nee Nzandelε)

1. Bεfa kenle motwε a bεye maandee ne a. Ehye kola bɔ o bo Kenlenzile anzεε Dwεkε
2. Kolaa na bεaye maandee ne la, bεfa mbεlεra ne mɔ bεmaa Ehyema ne na ɔneenlea nu ɔnwu ke bele belamunli na eza bie etenrenzεle a.

Kε Nzemama si sie kakula belera aze ε?

Nzemama

Ɔle zo amgba ke Nzema tete azezielə maandee nyεlee dɔɔnwo εhakyi yεε eza yεhile koyεlε nee εnweεne bie mɔ mɔɔ la Gana anee ekpuni ngakyile ne mɔ avinli la. Nzemama edee mɔɔ yεle na ɔmaa yεda nzonlε la bie mɔ εne:

1. Benea bεnwu ke kakula belera ne εyε fua na yemoa zo (yeε fua yedoa zo fane nsɑ la) kolaa na bεazie ye aze.
2. Raale mɔɔ akunlu raale etewule εlε, belera mɔɔ bεziele ye aze εtεkyεle la anzεε belera mɔɔ ɔka ekyii ɔbɔ fuamunli la a kola di fuamunlibɔvo ne anwo gyima a.
3. Bεkpoto ewule wɔ kyεnζe nu na bεava sempoama bεagua nu na bεakyεkye kakula belera ne anye ke ɔvula.
4. Belε nyεlee kpɔkyee bie mɔɔ bεye bεmaa belera mɔɔ bɔ Mafolε anzεε Ezohille abusua la.
5. Bεmaa ngakula mɔɔ kera gyimalilε ne abo la fe afɔtɔ ne mɔɔ hale la na fuamunlibɔvo ne kye bε nuhua bie.
6. Belera ne noko siezie o nwo na ɔkɔ akpɔsa ɔfa o nwo ɔkile ke yedwu agyalε na eza ɔyε ezuavole ne mo.

Ngakula mrenyia fuamunli maandee

Tε anee ekpuni ne mɔ kɔsɔɔti a le ngakula mrenyia fuamunli azezielə maandee a. Anee ekpuni mɔɔ yεkola yεnwu εhye wɔ bε nu la bie mɔ a le Anwɔnlama, Sisalama, Ngenlama, Vagalama nee mɔɔ eha la. Ngakula mrenyia fuamunli azezielə enle debie kpaziwɔkε biala ke mraale ne mɔ edee ne la. Ndonwo, wɔ Anwɔnlama maanzinli nu, etu ne mɔɔ bεfa bεmaa ngakula mgbavole ne mɔ la a bεfεlε ye ‘Tudedεasi’ la. Ehye kile ke bεva etu ne bεbɔ bε abusua ne anwo bane eza bεva bεli bɔlε.

Ngakula mrenyia ne mɔ anwo maandee ne bie mɔ εne;

1. Bete ngakula mrenyia ne mɔ bɛfi bε abusua ne anwo
2. Beyε mrenyiayεlε, gyima nee nla nu ngilehilelε bεmaa bε
3. Bεdie bε beto nu kε bεdwu mgbanyileka
4. Besiezie bε wɔ nwonane nu nee sunsum nu
5. Bekilehile bε ninyene mɔɔ le fɔɔnwo wɔ bε maandee ne anu la.

Gana anεε ngakyile ne mɔ ko biala lε ke ɔsi ɔyε maandee εhye a yεε meke dɔɔnwo ne ala ɔgyi menli ne diedi zo.

Nvasoe mɔɔ wɔ fuamunli azezielε zo la

1. ɔmaa fuamunlibɔvo ne nwu ye ke yedwu ye mgbanyileka na ɔbɔ ye εbela ke mɔɔ ɔfeta la
2. ɔkpogya fuamunlibɔvo ne ɔmaa ɔnyia gyinlabelε fofole
3. ɔmaa maanlema nwu ye ke belera ne ɛdwu agyalehɔlε
4. ɔsiezie bε nwonane nu nee sunsum nu ɔmaa agyale
5. ɔkile bε εbulε nee subane kpale
6. ɔmaa bεnwu nyεlee mɔɔ le fɔɔnwo wɔ bε maandee nee maamule mɔɔ sonle bolε maa bε maanlema ne la
7. ɔsi ninyendane nee nla mɔɔ kɔ zo kolaa na bεahɔ agyale la adenle.
8. ɔmaa mbelera ne mɔ nyia gya fa bɔ bε εbela kenlebie.

Gyima 6.4

Duzu maandee a bεye ye wɔ kakula belera mɔɔ εbɔ fuamunli la anwo wɔ Nzema a? Kεlε dumɑ ne na da ye ali kile ε gonwo mɔ.

Gyima 6.5

1. a. Wɔ bε ekpunli ne mɔ anu, bεnleinlea nvoninli ne mɔ boε na bεhilehile bε nwo εziezielε ninyεne ngakyile mɔɔ wɔ azezielε ne anu la. Bewowɔ adwenle wɔ mɔɔ bε nye die nwo wɔ bε nwo εziezielε ninyεne ne mɔ anwo la anwo.



- b. Bewowɔ adwenle wɔ nvasoε mɔɔ wɔ ninyene mɔɔ bɛva bɛziezie bɛ nwo wɔ azezielε ne anu la anwo.
2. Nea vidio mɔɔ fale fuamunli azezielε nwo la wɔ eke: <https://www.youtube.com/watch?v=zpTdowLmxN8>.
- Kolaa na azezielε maandε ne ara zo la, duzu a bεye a ?
 - Nea nvoninli ne mɔɔ fale azezielε maandε ne anwo la na fa wɔ adwenle sie nyεleε mɔɔ kɔ zo wɔ azezielε mumua ne nee nyεleε mɔɔ kɔ zo wɔ azezielε ne anzi la azo.
 - Kile nyεleε nwɔɔ nwɔɔ mɔɔ εnwunle εvale εhye mɔ ko biala anwo wɔ vidio ne anu la.
 - Azezielε mumua ne
 - Azezielε ne anzi
 - Fa wɔ adwenle sie koyεlε nee εnweεne mɔɔ la Gana anεε ekpunli ne mɔ bie azezielε maandε ne anwo la azo na da mɔɔ εnwunle ye wɔ vidio ne anu la ali kile sukoavoma mɔɔ ε nee bɛ gyi bango ko la.
3. a. Nea nvoninli εhye:
- 
- Elekɑ mɔɔ yεnyianle ye la: Olivier Asselin as cited in Ndetei (2018)
- b. Gyinla mɔɔ wɔzukoa la azo kilehile mɔɔ εlesi la anu.

Gyima 6.6

Wowɔ adwenle nwɔɔ nwɔɔ wɔ koyεlε nee εnweεne mɔɔ wɔ azezielε maandε ne nee mɔ Gana anεε ekpunli ngakyile nwɔɔ le la anwo. Da mɔɔ εnwunle ye la ali kile ε gɔnwo

Gyima 6.7

Kemə ələsukoa Gana anee la, bobə azezielə maandəs ne anu nyəleəs nsa məə ekulo ke bəkakyi ye anzəə bəkə zo bəyə la na kile deəməti. Da wə adwenle ne ali kile sukoavoma ne kəsəəti.

MOBONU KPUYIA

Mobonu kpuyia wɔ awozonle aluma ne anwo

1. Kεlε awozonle aluma nnu mɔɔ menli eva εyε bε suanu aluma wɔ wɔ abusua ne anu nee wɔ suazo la.
2. Kεlε Nzema awozonle aluma 5 na kile εleka mɔɔ ko biala abo vi la.
3. Kεlε bozonle raale ko duma na kile aluma ngakyile 3 mɔɔ fale o nwo la.
4. Kile deεmɔti menli nee bozonle bie bahɔ ngyekyeεε bo ke bεfa bozonle ne duma bεado bε mra ne mɔ wɔ wɔ suazo la anu ko.
5. Kile nvasoe nsa mɔɔ menli mɔɔ bεva awozonle aluma bεtoto bε la nyia ye wɔ awozonle aluma ne mɔ azo la.

Mobonu kpuyia mɔɔ wɔ fuamunli azezielε maandeeε ne anwo la

1. Gyinla ndelebεbo mɔɔ εlε la azo kilehile fuamunli azezielε maandeeε ne anu.
2. Kεlε na kilehile nvasoe nnu mɔɔ wɔ suazo amra nyia ye wɔ fuamunli azezielε maandeeε ne anwo la anu. Duzu ati a nwolε hyia a ?
3. Fuamunli azezielε maandeeε ne anu nyeεε ne boni a εsuzu ke bεhakyi ye a? Kilehile wɔ nyelebenloa ne anu.

REFERENCES

1. Agyekum, K. (2006). The sociolinguistic of Akan personal names. *Nordic Journal of Akan studies* 15(2) 206-235.
2. Nukuknya, G.K. (2007). *Tradition and change in Ghana: An introduction to sociology*. Ghana Universities Press.
3. Twumasi, K.D. & Adade, C. (2019). *Social studies in scope for JHS 1-3*. Kinddeh.

ACKNOWLEDGEMENTS



Ghana Education
Service (GES)

